

## L Ö G

83

9. okt.

um breyting á lögum nr. 81 23. júní 1936, um sveitarstjórnarkosningar.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Hreppsnefndarkosningum þeim, sem ákveðnar eru síðasta sunnudag í júnímánuði 1946, skal frestað, og skulu þær fara fram 7. júlí 1946.

2. gr.

Lög þessi öðlast þegar gildi.

*Gjört í Reykjavík, 9. október 1946.*

**Sveinn Björnsson.**

(L. S.)

***Finnur Jónsson.***

## L Ö G

84

9. okt.

um breyting og viðauka við lög nr. 65 11. júní 1938, um skatt- og útsvarsgreiðslu útlendinga o. fl.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Í stað orðanna „en hafa fasta atvinnu“ í 1. gr. laganna komi: en hafa hér atvinnutekjur.

2. gr.

Upphaf 2. gr. laganna verði þannig:

Hafi útlendingur dvalið hér eða haft hér atvinnutekjur 3 mánuði eða lengur, skapar það honum skattskyldu, og ber kaupgreiðanda hans o. s. frv.

3. gr.

Aftan við 6. gr. bætist:

Kaupgreiðandi skal tilkynna skattstjóra eða skattanefnd mánaðarlega kaupgreiðslu til manna þeirra, sem um ræðir í 1. og 2. gr.

4. gr.

Á eftir 6. gr. laganna komi 3 nýjar greinar, sem verði 7.—9. gr., og breytist greinatala samkvæmt því.